

ԳՈՂԹՆ ԿԱՎԱՌԻ ԲԻՍՏ ԱՎԱՆԻ ՃԱՐՏԱՐԱՊԵՏԱԿԱՆ ՀՈՒՇԱՆ ՉԱՆՆԵՐԸ

Բիստ կամ Բուստ ավանը Գողթն գավառի նշանավոր բնակատեղիներից է, որը Հական դեր է խաղացել գավառի XIII—XVIII դդ. մշակութային կյանքում: Բիստը (այժմյան Նախիջևանի ԻՍՍՀ Օրդուբադի շրջանի համանուն գյուղը) փռված է Բստաձոր կոչվող բավական խոր ձորում, նրա ապառաժոտ լեզվակներից մեկի վրա, որի երկարությունը կազմում է ավելի քան 4 կմ: Բիստի համայնապատկերին մի առանձին հմայք են հաղորդում նրա հյուսիսային կողմից հոսող Գիլան, իսկ հարավային կողմից՝ Մեսրոպավան գետերը, որոնց ափերը երիզված են բարդիներով, հաստաբուն բնկուղենիներով, ուռենիներով:

Բիստի շրջակայքում, ուր մարդիկ բնակություն են հաստատել դեռևս մեր թվարկությունից առաջ, մինչև այժմ էլ տեսանելի են վաղեմի բերդ-ամրոցների, XII—XVII դդ. եկեղեցիների, գերեզմանատների, մատուռների, կամուրջների, ջրաղացների և այլ հուշարձանների ավերակները, որոնք վաղեմի Բիստի բուռն անցյալի խոսուն վկաներն են:

Ինչպես Գողթնի մյուս գյուղերի ու ավանների, այնպես էլ Բիստի պատմական անցյալի մասին սկզբնաղբյուրներում համառոտ տեղեկություններ են պահպանվել միայն: Պատմական աղբյուրներում Բիստը առաջին անգամ հիշատակվում է XIII դարի պատմիչ Ստեփանոս Օրբելյանի պատմության մեջ, Բուստ անվանումով¹:

Բիստը և նրա ճարտարապետական հուշարձանները այնուհետև հիշատակվում են այդտեղի գրչօջախներում, հատկապես Ս. Նշան կամ Կուպատափ անապատի գրչատնից մեղ հասած XIV—XVII դդ. ձեռագրերում: Օրինակ, Բիստում գրված մի Ավետարանի հիշատակարանից

¹ «Ստեփաննոսի Սիւնեաց Լպիսկոպոսի Պատմութիւն նահանգին Սիսական», Մոսկվա, 1861, էջ 223, 378, նաև Բստեձոր՝ էջ 223, 228: Ի միջի այլոց, Օրբելյանի պատմության ՀԳ գլխում բերված 15 գավառների հարկատու գյուղերի առեղծվածային ցուցակը, ըստ ուսումնասիրողների, կազմված է հին վարչական բաժանման հիման վրա, «ոչ ուշ քան X դարը» (տե՛ս Ս. Հակոբյան, Հայ գյուղացիության պատմություն, հատ. 1, Երևան, 1957, էջ 323: Հ. Ութմազյան, Սյունիքը IX—X դարերում, Երևան, 1958, էջ 234): Հետևապես Բիստը պետք է համարել X դարից հիշատակվող բնակատեղի:

տեղեկանում ենք, որ Բիստը Ս. Նշան անապատից բացի ունեցել է նաև Ս. Աստվածածին անունով վանք, ուր խաչատուր գրիչը 1439 թ. գրել է. «...սուրբ Աւետարանս ընդ հովանեաւ սուրբ Աստուածածնին, որ կոչի Բաստայ վանք»²: Բիստում Ս. Աստվածածին վանքի և ապա Ս. Սարգիս Եկեղեցու գոյությունը հաստատվում է նաև մեկ այլ ձեռագրի՝ Երևանի Մաշտոցի անվան Մատենադարանի N° 6531 Ավետարանի հաղորդած տեղեկություններով. «...գրեցաւ Աւետարան ձեռամբ հոգնամեղ և անարհեստ գրչի Գրիգոր արեղայի ի Գողթան ի յանապատիս Բուստոյ, ընդ հովանեաւ ամենագաւր սուրբ Նշանիս, սուրբ Աստուածածնիս եւ սուրբ Սարգսիս... ի թվ ՋԼԸ (1439)»... Եւ ետուն սուրբ Աւետարանս վախրմ և ընծայ սուրբ Նշանիս, սուրբ Աստուածածնիս Բստոյ վանացս»³: 1495 թ. գրված ձեռագրում կարդում ենք. «...աւարտման սորա յերկիրս Գողթան, ի փոքր անապատս Փառակայ, որ կոչի Ձորավանք, ընդ հովանեաւ սուրբ Գէորգիս... Անդի ելանք և եկաք ի սուրբ և փառաւոր վանքս Բուստոյ, և աստ գրեցաք զՔահանաթաղս, ի դրան սուրբ Աստուածածնիս և առ ոտս փառաւոր և սուրբ Նշանիս և ամենայն սրբոցս, ամէն»⁴:

Այսպիսով, Բիստի գրչատներում գրված ձեռագրերի վկայություններով պարզվում է, որ XIV—XV դդ. Բիստը հայտնի է եղել Ս. Նշան անապատով (որը առաջին անգամ հիշատակվում է դեռևս 1336 թ.), Ս. Աստվածածին վանքով և Ս. Սարգիս Եկեղեցիով: Այս ճարտարապետական հուշարձաններից այժմ Ս. Սարգիս Եկեղեցին ավերակ է, որի հետքերը գտնվում են գյուղի հարավային կողմի բարձրադիր սարի գագաթին, իսկ Ս. Նշանը և Ս. Աստվածածինը կանգուն են: Վերջինս՝ Ս. Աստվածածին վանքը, Մ. Փափագյանը, Ղ. Ալիշանը և նրանց կրկնելով՝ Ե. Հալայանն ու Հ. Ոսկյանը հիշատակել են Ս. Ստեփանոս անունով, հավանաբար այն պատճառով, որ տեղացիները վանքը կոչել են ս. Ստեփանոսի անվամբ: Բիստեցիները այժմյան կանգուն Ս. Նշանը ևս իր անունով չեն կոչում, այլ վերանվանել են Կարմիր


² «ԺԵ դարի հայերեն ձեռագրերի հիշատակարաններ», մասն Գ, կազմեց Հ. Ս. Խաչիկյան, Երևան, 1967, էջ 391:

³ Մաշտոցի անվ. Մատենադարան, ձեռ. N° 6531, էջ 262ա, 263բ:

⁴ «ԺԵ դարի հայերեն ձեռագրերի հիշատակարաններ», մասն Գ, էջ 215:

վանքի՝ Ամենայն հայկական թաղամասի Բիստի հուշարձանների պատմական անունները վերանվանել են 1827 թ. Պարսկաստանից ներգաղթած և Օրդուբադի շրջանում, այդ թվում նաև Բիստում բնակություն հաստատած հայերը՝ Բացի այդ, ինչպես վերևում տեսանք, ձեռագրերում Բիստի հուշարձանների թվում Ս. Ստեփանոս անունը չկար։ Զեռագրական աղբյուրներում

գյուղի համայնապատկերում XVIII դարում Արաճաճ կաթողիկոս Կրետացին այցելելով Բիստ, այս շինությունը որակավորել է որպես «պատուական մեծ եկեղեցի»⁶։ Այն եռանավ բաղնիքային հորինվածք ունի (նկ. 2), կառուցված է սրբատաշ բազալտից և կարմիր քարից։ Այժմյան վիճակով վնասված են եկեղեցու հյուսիս-արևելյան որմի անկյունային մասի վերին



Նկ. 1

Ս. Ստեփանոս անվանը հանդիպում ենք միայն 1687 թ. գրված մի ձեռագրի հիշատակարանում՝ եկեղեցի անվանումով։ Այդ Ավետարանի ստացող պարոն Նուրին այն «...եղ յիշատակի գեօղն Պուստ. ի դուռն սր Ստեփանոս եկեղեցուն։ Ի վաչկումն մանկանց նորոյ սիոնի»⁵։ Մեր կարծիքով այս Ս. Ստեփանոս Բիստից 2 կմ արևելք գտնվող Այահի (Աղահեցիկ, Ողոհի) եկեղեցին է, իսկ վերը նշված հեղինակների մոտ արձանագրված Ս. Ստեփանոս վանքը պետք է որ ձեռագրական աղբյուրներում հիշվող Ս. Աստվածածինը լինի։

Բիստի Ս. Աստվածածին վանքը (նկ. 1) կառուցված է գյուղի կենտրոնում, նրա արևելյան թաղամասի բարձրագույն վայրում։ Իր տեղի և մեծության շնորհիվ այն գերիշխող դիրք ունի

հատվածի մի քանի երեսապատող շարքերը և որմնաշի տարրեր մասերում կան վտանգավոր ճեղքեր։ Իժմախտարար Ս. Աստվածածնի հիմնքման և վերակառուցումների մասին տեղեկություններ չեն պահպանվել։

Այժմյան շենքը հիմնովին նորոգվել է XVIII դարում։ Ս. Աստվածածնի հորինվածքը (բաղկացած է արևելյան կողմում յոթանիստ աբսիդից, երկհարկանի դույզ ավանդատներից և ընդարձակ եռանավ դահլիճից) պարփակված է միասնական ուղղանկյունի ծավալի մեջ և ծածկված է արտաքինից երկթեք տանիքով։ Եկեղեցու միակ մուտքը բացված է արևմտյան ճակատում և երկված է քանդակազարդ բարձր կամարաշարով։ Բարավորից վերև, խորացող կամարի տակ տեղադրված է XVII դարի քան-

⁵ «Ցուցակ հայերեն ձեռագրաց նոր-Բայսղետի», կազմեց Հ. Աճառյան, Վիեննա, 1924, էջ 22։

⁶ «Արաճաճ կաթողիկոսի Կրետացու Պատմութիւն անցիցն իւրոց և նստր-Շահին», Վաղարշապատ, 1870, էջ 78։

ղակադարձ խաչքարի եկեղեցին ինչպես ներսից, այնպես էլ արտաքինից փաստորեն ղուրկ է հարդարանքից: Վերանորոգումների ժամանակ XVIII դարի մի փոքրիկ քանդակադարձ խաչքար էլ տեղադրված է եկեղեցու արևելյան ճակատի վերևում:

Ս. Աստվածածին վանքի եկեղեցու բարձր և ընդարձակ սրահը շորս խաչաձև կտրվածքով հաստահեղույս (1,57 մ) մույթերով և կամարաշարով բաժանված է երկու փոքր և մեկ մեծ նավի: Ս. Փափաղյանը սխալմամբ նշել է, որ այս «եկեղեցին, ներքին կողմը 6 առանձնակի հաստ ու բարձր սիւներով...»⁷ է: Սրահը ունի 15,64 մ լայնություն և 22,5 մ երկարություն, ընդ որում միջին նավի թաղի լայնությունը կազմում է 7 մ, իսկ կամարների թռիչքը երկայնական ուղղությամբ՝ 7,60 մ: Բիստի Ս. Աստվածածին եկեղեցին թաղի և կամարների այսպիսի մեծ թռիչքով առանձնանում է ուշ միջնադարի հայկական նույնատիպ հուշարձանների շարքում: Օրինակ, Սյունիքի XVII—XVIII դդ. եռանավ բաղնիքներում թաղերը հիմնականում ունեն 4—5 մ թռիչքներ, ուր միայն Հալիձորի բերդի եկեղեցին ունի 6,15 մ հասնող թռիչք⁸: Եկեղեցու սրահի որմերում կան բավական լայն բացվածքներով 14 որմնախորշեր: Մածկում՝ մեծ նավի թաղի մեջ, բացված է շրջանաձև երդիկ, որի վրա ժամանակին կառուցված է եղել (այժմ ավերված) զանգակատան ուտոնդան:

Բիստի Ս. Աստվածածին եկեղեցու ճարտարապետական հորինվածքում հետաքրքիր է նրա բեմի աբսիդը, որն ունի յոթանիստ կազմություն: Ընդարձակ և բարձր այս աբսիդի բոլոր նիստերում արված են լայն բացվածքներով խորշեր: Միջին խորշի վերևում կա պատուհան, որը և լուսավորում է աբսիդը: Բաղմանիստ աբսիդների հիմնականում հանդիպում ենք Պարսկաստանի հայկական ճարտարապետական հուշարձանների հորինվածքներում, հատկապես նշանավոր գաղթօջախ Նոր-Ջուղայում (XVII դար)⁹: Բաղմանիստ աբսիդներ կիրառվել են նաև Գողթն, Երնջակ և Նախիջևան գավառներում, ուր համարյա բոլոր նշանավոր ճարտարապետական հուշարձաններն ունեն արևելյան կողմից աբսիդներ:


7 Ս. Փափաղյան, Հնությունը վանորհից. Գողթան գավառ, լուսանկարչական ալբոմ, Վաղարշապատ, 1891, № 296:

8 Ս. Հասրաթյան, Սյունիքի XVII—XVIII դարերի ճարտարապետական համալիրները, Երևան, 1973, էջ 153:

9 Ս. Հասրաթյան, Աստապատի վանքի ճարտարապետական համալիրը, «Պատմա-բանասիրական հանդես», 1975, № 1, էջ 131—132:

րապետական հուշարձաններն ունեն այդ տիպի աբսիդներ¹⁰:

Բիստի Ս. Աստվածածին եկեղեցու բեմը իր երկու կողմերում ունի համարյա քառակուսի հատակագծերով երկհարկանի ավանդատներ, որոնց առաջին հարկերի որմնախորշերը ևս



Նկ. 2

ունեն լայն ու բարձր բացվածքներ և լուսավորվում են արևելյան որմի պատուհաններով: Եկեղեցու աբսիդի և ավանդատների, ինչպես նաև նավերի թաղերի միջև, ծածկի տակ թողնված են թունելանման թաքստոցներ, որոնք միջանցքների պես ձգվում են կառույցի երկարությամբ՝ արևելք-արևմուտք: Եկեղեցու այդ թաքստոցների մուտքերը բացված են առաջին հարկի ավանդատների որմերում: Հյուսիսային ավանդատան թաքստոցների մուտքը բացված է նրա առաջին հարկի հարավային որմի հարավ-

10 Մեր «Շոռոփի և Դաղի եկեղեցական ճարտարապետական հուշարձանները» հոդվածում («Էջմիածին», 1977, մայիս, էջ 46—57) Շոռոփի Ս. Հուսավորիչ վանքի եկեղեցու հնգանիստ աբսիդը և Դաղի Ս. Գրիգոր վանքի եկեղեցու յոթանիստ աբսիդը հատակագծերում սխալմամբ կիսաշրջանաձև ենք արտահայտել:

արևելյան անկյունային որմնախորշում, իսկ հարավային ավանդատանը՝ հյուսիս-արևելյան անկյունային որմնախորշում, որոնք փակվել են սալերով և միանգամայն աննկատ դարձրել թաքստոցների մուտքերը: Այդ մուտքերից քարե աստիճաններով նախ բարձրանում են ավանդատների երկրորդ հարկերի անմիջապես ետին մասերում հյուսիս-հարավ առանցքով կառուցված 3,30 մ×1,60 մ թաքստոց-սենյակները, որոնք օդ ու լուսավորություն են ստանում արև-



նկ. 3

վելյան որմնում քողարկված և արտաքինից աստղաձև փոքրիկ լուսամուտներից: Այնուհետև այդ սենյակ-թաքստոցներից բարձրանում են աբսիդի ծածկի ուղղությամբ և թունելանման միջանցքներով մտնում սրահի ծածկի տակ թողնված թաքստոցները:

Ս. Աստվածածին եկեղեցու այս թաքստոցները կոնստրուկտիվ նշանակությունից բացի մեծ դեր են խաղացել հատկապես որպես վանքի լրացուցիչ պահեստներ, ապաստարաններ վանական ունեցվածքը, ձեռագրերը և այլն պատսպարելու համար: Պետք է նշել, որ նման թաքստոցներ ունեն Գողթնի ու Լոնջակի գրեթե բոլոր վանքերն ու եկեղեցիները, օրինակ, Ագուլիսի, Ցղնայի, Փառակայի, Շոռոթի, Գաղի, Ապրակունիսի, Փարազաշտի և այլ ավանների ու գյուղերի հուշարձանները:

Ս. Աստվածածին եկեղեցու արևմտյան ճակատին կցված է նրա գավիթը, որը բավական լավ է պահպանվել և զրավում է եկեղեցու ընդլայնական երկարությունից քիչ փոքր տարածություն: Մ. Փափաղյանը սխալմամբ նշել է, որ այս եկեղեցու «գավիթը խոնարհված է բոլորովին...»¹¹: Այժմյան գավիթի շինության ուսումնասիրությունը, տարեց բիստեցիների հետ ունեցած մեր զրույցներից, ինչպես նաև Մ. Փափաղյանի ալբոմում, Գ. Արիշանի «Սիսականում» և ապա Ե. Լալայանի «Գողթնում» տպագրված

այս եկեղեցու լուսանկարներից¹² պարզ երևում է, որ նրա գավիթը կանգուն է եղել նաև XIX դարի վերջին: Ս. Աստվածածին եկեղեցու գավիթը անգամից ուղղանկյուն կառուցվածք է, որի հյուսիսային և հարավային ճակատները խուլ պատեր են: Գավիթի արևմտյան ճակատը իրենից ներկայացնում է կամարաշար՝ երեք բացվածքներով, որոնց մույթերին համապատասխան, եկեղեցու արևմտյան որմին կից կառուցվել են որմնամույթեր: Գավիթի և եկեղեցու որմնամույթերի միջև ձգվող կամարներով գավիթը բաժանված է ընդլայնական լրիք հատվածի: Այժմ եկեղեցին որպես պահեստ օգտագործելու նպատակով գավիթի արևմտյան ճակատի երեք թաղերի բացվածքներն էլ փակվել են շարվածքով:

Ս. Աստվածածին եկեղեցու և գավիթի պատերի միջև կոնստրուկտիվ կապի բացակայությունը ցույց է տալիս, որ գավիթը կառուցվել է հետագայում: Գավիթի աջ կողմի պատի մեջ, մի քարի վրա արձանագրված է. «Ի թվին ՌՃԼԶ (1687). սպասաւոր բանին տ[ե]ր Ալեքսան զվէմս փոքրիկ յիշատակ իւրեան»:

Այս արձանագրությունից ներքև եղել է նաև մեկ այլ ընդարձակ արձանագրություն՝ գրված սև ներկով, որը այժմ քայքայված է: Ժամանակին այն ընդօրինակել է Ե. Լալայանը. «Բ թվականին հայկազնց Ռ երորդ Ճ երորդ Լ երորդ ութնակ թվի ի ...ով ընթերցողը ասացէք մէկ ողորմի մեր գեղացոց փոքր եւ մեծ. եւս արաւել Ապրահամ ու Երեմիան, որք զտուրս ետուն զումարմթութե եիլի. հոգում աւուր տն ի սմա. Զենմա մեղց նոցին թողութիւն լինի ամէն. եղիցի, եղիցի»¹³:

Առաջին արձանագրության մեջ հիշատակվող տեր Ալեքսանը, ըստ Ագուլեցու¹⁴, XVII դարի 70-ական թթ. Բիստի Ս. Նշան վանքի առաջնորդ Ալեքսան Բստեցի վարդապետն է:

Մ. Փափաղյանի հաղորդած տվյալների համաձայն այս վանքը, «...որ տեղ-տեղ քայքայված էր, 1877 թվին գյուղացիք նորոգում են յուրյանց համար իրր աղոթատեղի»¹⁵: Այս նորոգման ժամանակ էլ եկեղեցու ինտերյերը նկարագրողվել է: Ներկայումս այդ որմնանկարների միակ հետքերը պահպանվել են ավագ

¹² Ղ. Արիշան, Սիսական, Վենետիկ, 1893, էջ 345, նկ. 106: Ե. Լալայան, Գողթն կամ Օրդուբադի կամ Վերին-Ագուլիսի ոստիկանական շրջան (առանձնատիպ), Թիֆլիս, 1904, էջ 89:

¹³ Ե. Լալայան, Գողթն..., էջ 89:

¹⁴ «Ձաքարիա Ագուլեցու օրագրությունը», Երևան, 1938, էջ 95:

¹⁵ Մ. Փափաղյան, նշվ. աշխ., № 296:

¹¹ Մ. Փափաղյան, նշվ. աշխ., № 296:

աբսիդի որմնախորշերից վեր ընկած հատվածներում:

Բիստի XIV—XVII դդ. մշակութային անցյալում բացառիկ տեղ ունի Ս. Նշան կամ Կոպատափ անապատ-վանքը, որի եկեղեցին այժմ էլ կանգուն է և լավ է պահպանված (նկ. 3): XVII դարում այն կարմիր քարով հիմնովին կառուցված լինելու պատճառով բիստեցիների կողմից անվանվել և այժմ էլ կոչվում է Կարմիր վանք: Ս. Նշանի համալիրը, որը գտնվում է Դիլան գետի աջ կողմում, Բիստից մոտ մեկ կիլոմետր դեպի հյուսիս, տեղադրված է Բստա-ձորի հյուսիսային բարձրագագաթ սարերից դեպի վար իջնող բավական ընդարձակ դարավանդներից մեկի հարթության վրա: Համալիրի շուրջը՝ հիմնականում նրա հյուսիս-արևմտյան և հարավային կողմի հարթություններում տարածված են եղել (այժմ էլ տեսանելի) նրա մշակովի այգիները, բանջարանոցները, որոնք ոռոգվել են անապատի հյուսիս-արևելյան կողմի փոքրիկ ձորակից հոսող հորդահոս աղբյուրների ջրով: Անապատի այգիների մի մասը, թեքադիր վայրում տեղադրված լինելու հետևանքով, ունի պատենշ-պատեր:

Բարեբախտաբար Ս. Նշան կամ Կոպատափ անապատից մեզ հասած մի քանի ձեռագրերում և XVII—XVIII դդ. որոշ պատմական աղբյուրներում տեղեկություններ են պահպանվել այս հուշարձանի տեղադրության, նրա մշակութային անցյալի և այլ հարցերի մասին, որոնք նպաստում են հուշարձանի պատմության ուսումնասիրմանը: Ըստ ավանդության Ս. Նշան անապատը հիմնվել է դեռևս V դարում: «Այս այն սուրբ Նշանն է, որ Քրիստոս աշակերտաց ոտնն լվաց...», — գրում է Ագուլեցի¹⁶: Սակայն Ս. Նշան անապատի մասին առաջին տեղեկությունը հանդիպում ենք 1336 թ. այդտեղ գրված Ավետարանի հիշատակարանում, որը պահվում է Մաշտոցի անվան Մատենադարանում. «...գրեցաւ սուրբ աւետարանս բժիշկ հոգւոյ և մարմնոյ ձեռամբ յոգնամեղ և փցուն գրչի Խումայի Արճիշեցո, ի յերկրիս Գողթան, ի յանապատիս, որոյ անուն Կոպատափ կոչի, որ յանդիման գեղին Բստոյ... ի թուականիս հայոց 925 (1336)»¹⁷: Ս. Նշան անապատը հիշվում է նաև այդտեղ 1489 թ. գրված Ավետարանի հիշատակարանում. «ի գաւառիս Գողթան ի յանապատիս Բստոյ...»¹⁸:

¹⁶ Ջ ա ք ա ր ի ա Ա գ ու լ ե ց ի, էջ 95: ². Ո ս կ յ ա ն, Վասպուրական-Վանի վանքերը, Բ մաս, Վիեննա, 1942, էջ 729:

¹⁷ Մաշտոցի անվ. Մատենադարան, ձեռ. № 6275, էջ 267բ:

¹⁸ Նույն տեղում, ձեռ. № 6531, էջ 262ա:

Այնուհետև XVII դարի ձեռագրերում, ինչպես նաև հեղինակների մոտ Ս. Նշանը կոչվել է Բիստի Ս. Նշան վանք: Օրինակ, Ս. Նշան եկեղեցուց պահպանված մի վականսի (որը գործված է կարմիր մետաքսից, ֆոնի վրա ունի խաչապատկեր, պտղավորված և ծաղկած ծառեր, բուսական զարդանախշեր) արձանագրությամբ նշված է. «Յ(ի)շ(ա)տ(ա)կ է վականսս վարդազարին ի դ(ու)ոն Պիստոյ ս(ուր)բ Նշանին. թվ(ի)ն ԹՃԺ Ին»¹⁹:

Ջաքարիա Ագուլեցին գրում է. «Թվին ԹՃԺ (1670) յուլիսի ԻԳ ումն Ագուլիս, որ ես Ջաքարիայ մեր խիզանով, այլ ուրիշի խիզան, շատ ուխտավոր, գնացինք Բստու վանքն սուրբ Նշան ուխտ»²⁰, 1689 թ. գրիչ Ստեփանոս աբեղիկը այդ եկեղեցում իր գրած ճաշոցի հիշատակարանում ևս այն անվանել է Բուստա վանք²¹: Իսկ XVIII դարում Ս. Նշան այցելած Աբրահամ կաթողիկոս Կրետացին, որը մի առանձին հիացմունքով է խոսում նրա մասին, գրել է. «...ելայ ի վանքն աղանանման՝ աղինասարս՝ ի վայելուչ բարձրանիստ տեղի. զի պարտիզօք ջրարբի, և բարեբեր հողով, և պարզ առողջարար օդով՝ զուարճացաւ սիրտ իմ, մոռանալով զաշխատութիւնս ճանապարհի... և միաբանքն սիրով և հնազանդ, և մնացի Բ. օր»²²:

Այսպիսով պարզվում է, որ Ս. Նշանը սկզբում հանդիսացել է անապատ, որն ըստ ձեռագրական և պատմական աղբյուրների տեղեկությունների համապատասխանում է այժմյան Ս. Նշան կամ բիստեցիների վերանվանակոչած Կարմիր վանքին: Դժբախտաբար Ս. Նշան անապատի վաղ շրջանի կյանքի մասին կցկտուր տեղեկություններ են հայտնի միայն: Իսկ նրա վանական միաբանությունը, Աբրահամ Կրետացու վկայությամբ, XVIII դարում գործում էր «սիրով և հնազանդ»:

Ս. Նշան վանքի եկեղեցին կառուցված է կարմրեբրանգ (տուֆ) սրբատաշ քարերից և բազալտից: Ուղղանկյուն հատակագծով այդ եկեղեցին (նկ. 4) մեկ զույգ մույթերով եռանավ բազիլիկա է, հնգանիստ արսիղով, երկհարկանի զույգ ավանդատներով և ծածկված է երկթեք տանիքով: Ժամանակին եկեղեցին և նրա հարավային ճակատի առջևի, ինչպես նաև արևմտյան կողմում կառուցված խցերն ու այլ


¹⁹ Հայերեն արձանագրությամբ առարկաներ, պրակ 1, աշխատասիրովթյամբ Ե. Մուշեղյանի, Երևան, 1964, էջ 94:

²⁰ Ջ ա ք ա ր ի ա Ա գ ու լ ե ց ի, էջ 95:

²¹ Մաշտոցի անվ. Մատենադարան, ձեռ. № 7481:

²² Ա ր ր ա հ ա մ Կ ր ե տ ա ց ի, նշվ. աշխ., էջ 78:

տնտեսական շինությունները առնված են եղել քառակյունի պարսպի մեջ: Ինչպես պարիսպը, այնպես էլ համալիրի մյուս շինությունները այժմ ավերակ են: Եկեղեցու հարավային ճակատին կցված գավիթի առջև եղել է նաև գերեզմանատուն, որից այժմ XVII դարին վերաբերող 3—4 տապանաքարեր են մնում միայն:



Նկ. 4

Մի քանի կիսավեր շինություններ են տեսանելի նաև եկեղեցու հարավային մասում, որոնք ըստ հատակագծերի ուղղանկյունի շինություններ են:

Ներկայումս Ս. Նշան համալիրից միակ կանգուն հուշարձանը նրա եկեղեցին ու գավիթն են: Եկեղեցու չափերն են 13,24 մ×9,32 մ: Ս. Նշանի սրահը հատակագծում համարյա քառակուսի է (9,02 մ×9,32 մ): Սրահի կամարները հանգչում են քառակուսի կտրվածքով երկու մույթների (0,95 մ) և եկեղեցու արևմտյան պատի ու բեմի անկյունների վրա:

Ս. Նշանի հնգանիստ արսիղում բացված են հինգ, ավանդատներում՝ երկուական, իսկ սրահում՝ ութ որմնախորշեր: Արսիղի և ավանդատների լուսավորությունը իրականացված է արևելյան որմերի մեկական լուսամուտներով, իսկ սրահինը՝ հարավային որմի երկու և արևմտյան ճակատի երեք լուսամուտներով, ինչպես նաև միջին նավի ծածկում թողնված երդիկով: Եկեղեցին հյուսիսային կողմում լուսամուտներ չունի:

Ս. Նշանի ավանդատները հատակագծում ուղղանկյունի են: Եթե Սյունիքի, Գողթնի, Երընջակի և առհասարակ պատմական Հայաստանի այլ դավառների հուշարձանների ընդհանուր մոտերերը սովորաբար թողնված են աբսիդների, ավանդատների պատերի տարրեր մասերում և որմնախորշերից, ապա Ս. Նշանի թաքստոցների մուտքերը բացված են առաջին հարկերի

ավանդատների արևելյան լուսամուտների վերևի մասը ծածկող հատվածում, որի համար էլ այդ լուսամուտների ներսի մասի բացվածքները պատի հյուսիսային և հարավային երեսների վրա, ինչպես նաև բարձրությամբ, ունեն մեծ չափեր: Մուտքերի այդ տեղադրությունը և շարվածքի հետ նույնանման սալերով փակվելը միանգամայն աննկատ են դարձնում թաքստոցների գոյությունը:

Ս. Նշանի միակ մուտքը, տեղանքի թելադրանքով, գտնվում է հարավային ճակատում, որի ուղղանկյուն բացվածքը երիզված է բարձր և քանդակազարդ կամարով: Մուտքի բարավորի վրա հինգ տողով քանդակված է եկեղեցու շինարարական արձանագրությունը (տպագրվում է առաջին անգամ)։

1 Ծինեցա(ւ) ս(ուր)բ Եկ(ե)ղ(ե)ցիս ի Թվին
2 Խժժէ (1668) ումն ի Թ(ա)գ(ա)ւ(ո)ր(ո)ւ-
թե(ան)

3 շահ Իսմայէլ(ի)ն եւ հ(ա)յր(ա)պ(ե)տու
4 Թե(ան) տ(եառ)ն Յակոբայ եւ յ(ա)ռ(ա)ջ-
նորդու

5 Թե(ան) տ(եառ)ն Պ(ե)տր(ոսի) զառա(ջ-
նորդութեամբ). յ(ի)շ(ե)ց(ե)ք ի Ք(րիստո)-
ս(այ).

Ինչպես վկայում է այս արձանագրությունը, եկեղեցին կառուցվել է 1668 թ.՝ Ս. Նշանի առաջնորդ տեր Պետրոսի վերահսկողությամբ: Մի քանի արձանագիր խաչքարեր կառուցման ժամանակ հազցվել են որմերի տարրեր մասնորում: Օրինակ, XV դարի մի խաչքար տեղադրված է արսիղի հարավային առաջին որմնախորշում, մեկ այլ արձանագիր խաչքար՝ հյուսիսային ավանդատան լուսամուտի շարվածքում և այլ մասերում: Եկեղեցու ներսում ընկած խաչքարերից մեկն ունի այս արձանագրությունը (տպագրվում է առաջին անգամ)։

1 Ս(ուր)բ խաչս յիշ[ա]յ(տա)
2 Կ է Պողոսին
3 Ե(ւ) ո(ր)դուն. Ե[ւ]
4 Կ(ո)ղ(ակց)ին Թվ
5 [ո]ղ (1641)

Ս. Նշանի գավիթը հատակագծում ուղղանկյունի է, կառուցված է սրբատաշ բազալտից և տեղական կարմիր քարից: Նրա հարավային ճակատը իրենից ներկայացնում է երեք բացվածքներով կամարաշար: Գավիթի և եկեղեցու պատերի շարվածքի կոնստրուկտիվ կապերի առկայությունը թույլ է տալիս եղրակացնելու, որ գավիթը կառուցվել է եկեղեցու հետ միաժամանակ (1668 թ.):

Պատմական և ձեռագրական աղբյուրներում Ս. Նշանի և նրա շինությունների վերանորոգումների մասին այլ տեղեկություններ չկան: Մ. Փափաղյանը և Ե. Լալայանը նշում են, որ

այն Բիստի բնակիչների կողմից, հավանորեն վերջին անգամ, մասնակիորեն վերանորոգվել է նաև XIX դարի վերջերին²³։

Բիստի ճարտարապետական հուշարձանների շարքում հիշարժան են նաև նրա XVI—XVII դդ. մինչև օրս էլ գործող կամուրջները։

Բիստի մյուս կամուրջը կառուցված է գյուղի հարավային կողմի ձորից հոսող Մեսրոպական գետի վրա (նկ. 6)։ Այն ևս իրենից ներկայացնում է միաթռիչք մի կառուցվածք, իրականացված մաքուր տաշած քարերով և կրաշաղախով, որի խելերը հանգչում են գետի



Նկ. 5

Բիստի հյուսիսային կողմի ձորից հոսող Գիլան գետի վրա կառուցված կամրջի (նկ. 5) խելերը դրված են երկու ափերի ժայռերի վրա։ Այս միաթռիչք կամուրջը շինված է խնամքով, մաքուր տաշած և կիսամշակ բազալտի քարերով և կրաշաղախով։ Բիստի այս կամուրջը հնուց ի վեր գյուղը կապել է Ս. Նշան անապատի, հարևան Ալահին (Աղահեցիկ, Ողոհի) գյուղի և միջնադարյան նշանավոր ավան ու գյուղաքաղաք Շոռոթի հետ։

Այս կամրջի կառուցման ժամանակը հայտնի չէ, նրա շինարարական արվեստից դատելով կարելի է եզրակացնել, որ դա եղել է մոտավորապես XVI դարի կեսերից հետո։

23 Մ. Փափագյան, Նշվ. աշխ., № 296, Ե. լալայան, Գողթն..., էջ 90։



Նկ. 6

երկկողմյա ժայռերի վրա։ Կամուրջն իր հուսալիությունից և անհրաժեշտ լայնությամբ մինչև օրս էլ Բիստ մուտք գործող, ժամանակակից մարդատար ու բեռնատար տրանսպորտի միակ ճանապարհն է հանդիսանում։

Այս կամրջի կառուցման ժամանակի մասին տեղեկություններ նույնպես չկան։ Հավանաբար այն կառուցվել է XVII դարի կեսերին։ Կամրջի հարավային խելի բարձունքում, կամարի ուղղությամբ, նրա արևմտյան երեսին տեղադրված է մի քար, ուր վրա կա «1869» միակ արձանագրությունը։ Սա ամենայն հավանականությամբ կամրջի վերանորոգման տարեթիվն է։

Ա. ԱՅՎԱԶՅԱՆ